



SAKSFRAMLEGG

Saksnr:	Utval:	Dato
	Kommunestyret	

Sakshandsamar:	Arkiv:	ArkivsakID
Kenneth Stokke	FE-242	20/763

OPPSTART VAKSDAL KOMMUNALE NÆRINGSFOND

Vedlagte saksdokument:

VAKSDAL NÆRINGSFOND etter k-styre 2022

Kommunedirektøren sitt framlegg til vedtak:

Kommunestyret gjer fondsstyret for Vaksdal kommunale næringsfond fullmakt til, i denne søknadsrunden, å innvilge søknader frå 2019 og fram til 14.06.22 dersom øvrige kriteria er oppfylt.

Ved seinare utlysingar skal det kun gjevast støtte til tiltak som er iverksett etter vedtak for dei nye vedtektene på dato 14.06.22. Det må søkast innan 1 år etter tiltaket er iverksett og fullført. Etter dette er det ikkje mogeleg å søkje om støtte. Det er opp til fondsstyret å vurdere dato for når eit tiltak er fullført eller ikkje.

Saksopplysningar:

Bakgrunn for saka

Fondsstyret for Vaksdal kommunale næringsfond hadde møte 17 januar 2023, etter at det var kome inn 9 søknader til fondet. Før fondsstyret starta behandling av søknadene, vart det debatt om søknader som gjaldt investeringar frå tida før den nye næringsfondet vart vedteke, 14.06.22 i sak 61/2022, skulle takast med.

Følgande setning vart vedteke av fondsstyret:

Fondsstyret ber kommunestyret presisere i vedtekene for Vaksdal kommunale næringsfond startdato for løyving og om det er høve til å gje løyvingar for allereie gjennomførte tiltak før 14.06.22.

Det er behov for ein avklaring frå kommunestyre om oppstart for det nye fondet og om det skal vere mogeleg å sende inn søknader på investeringar som er gjort før det nye fondet vart vedteke.

Formelt grunnlag

Vedtekter Vaksdal kommunale næringsfond

Vurdering og konsekvensar

Fondsstyret til Vaksdal kommunale næringsfond treng ein avklaring på dato for kva tiltak som kan takast med som søknader til Vaksdal kommunale næringsfond. I vedtektene frå 14.06.22, står det ikkje dato for når dei nye vedtektene skal gjelde frå og kommunestyret må derfor vedta oppstart for dei nye vedtektene.

I møtet til fondsstyret 17.01.23 blei det ikkje innvilga løyving til «eldre» saker, dvs tiltak/investeringar frå tida før dei nye vedtektene vart vedteke (14.06.22). I tida før det nye fondet vart vedteke var det eit eige landbruksfond, men dette fondet hadde ikkje midlar til å gje løyvingar av noko størrelse då fondet var nær grunnkapital. Derfor er det kome inn fleire søknader frå tida før det nye fondet vart vedteke, no i etterkant.

Fondsstyret ønskjer ein presisering frå kommunestyret om når dei nye vedtektene skal gjelde frå, og om det skal vere mogeleg å søke om støtte til investeringar som er gjort i tida før 14.06.22.

Ved å gje løyvingar til søknadane før vedtaksdato for fondet vil det kunne opne opp for andre søknader frå andre som ikkje valte å søke i denne omgang. Ved å ikkje gje løyving til dei eldre tiltaka gjer ein ikkje dei ein mogelegheit til å søkje om midlar, då landbruksfondet var nærmast tomt på investeringstidspunktet. Nokre av investeringane var store og ein kan anta at dei ikkje er ferdig nedbetalt då dei nye vedtektene vart vedteke.

Ein annan løysing kan vere å gje fullmakt til fondsstyret til å innvilge løyving til dei som har søkt i denne omgang, men at det ved seinare utlysingar kun gjeld tiltak som er gjort etter 14.06.22 og innan 1 år etter tiltaket er ferdigstilt.